

IZVJEŠTAJ O RADU TRA 2013. GODINE

A) PROJEKTI MENADŽMENT I BAZE PODATAKA

1. Izrada projektne aplikacije na javni poziv u okviru projekta LOD III (*Jačanje lokalne demokratije*).

Agencija za razvoj je u saradnji sa uposlenicima općine Tešanj uradila projektnu prijavu na javni poziv LOD III (Jačanje lokalne demokratije) koji je bio raspisan za jedinice lokalne samouprave u BiH. Projekat je finansiran od strane EU uz učešće jedinica lokalne samouprave sa minimum 20 %. Prema uslovima javnog poziva Agencija nije mogla biti aplikant pa je projekat prijavljen ispred Općine. Od 23 općine koje su učestovale i u prethodnim pozivima LOD I i LOD II, projektna aplikacija općine Tešanj je odabrana među 4 koje su odobrene za finansiranje. Za koordinatora na implementaciji projekta imenovan je uposlenik općine Tešanj. Vrijednost projekta je **123.000 KM**

2. Prijava na javni poziv u okviru projekta pod nazivom EUSESBI (*Podrška EU osnivanju i jačanju poslovne infrastrukture za unapređenje konkurentnosti malih i srednjih preduzeća*)

Na poziv u okviru projekta koji se finansira od strane EU pod nazivom „Podrška EU osnivanju i jačanju poslovne infrastrukture za unapređenje konkurentnosti malih i srednjih preduzeća“ Agencija za razvoj je kandidovala Poslovnu zonu Glinište. Planirano je da se izradi analiza i preporuke za daljni razvoj infrastrukture u Poslovnoj zoni u cilju privlačenja novih investicija. Projektni prijedlog je ušao u uži izbor nakon čega je donator odlučio da se općini Tešanj i TRA pruže usluge savjetovanja na Preduzetničkom centru za mlade. Implementator EUSESBI projekta je ponudio učešće u projektu kroz formiranje preduzetničkog centra za mlade i kroz učešće uposlenike Agencije za razvoj i općine Tešanj na edukativnim seminarima. Načelnik općina Tešanj i direktor Agencije za razvoj će u 2014. godini odlučiti o učešću i saradnji na ovom projektu. Predstavnik TRA Agencije je odslušao dvodnevni trening na temu „Razvoj poslovnih zona, upravljanje i administriranje“.

3. Projekat Centar za neformalno obrazovanje

Projekat: "Uspostava Centra za obrazovanje odraslih i stručno osposobljavanje i zapošljavanje CNC operatera, metalobrusača i obrađivača metala rezanjem za potrebe preduzeća: MANN+HUMMEL BA Tešanj, POBJEDA dd Tešanj i ENKER dd Tešanj je pripremljen i izrađen od strane Agencija za razvoj općine Tešanj. Donatori na projektu su: USAID/Sida Firma Projekat, DW Inetenational, FZZZ, Vlada ZE-DO Kantona, Općina Tešanj, ŠC Velenje, Općina Tešanj, Udruženje privrednika "BIZNIS CENTAR" Tešanj. Partner na realizaciji projekta je Mješovita srednja škola Tešanj. Ukupna vrijednost projekta je **186.200,00 KM**.

Projektom je predviđeno:

- registracija Centra za obrazovanje odraslih kao odjela u sklopu Agencije za razvoj općine Tešanj,
- adaptacija prostorija učionica za izvođenje praktične obuke,
- nabavka i instalacija dvije CNC mašine koje će služiti za izvođenje praktične obuke u Centru za obuku odraslih,
- nabavka i instalacija opreme iz mehatronike (seta opreme iz hidraulike),
- edukacija nastavnog osoblja iz mehatronike i andargoških metoda u radu sa odraslim,

- obuka 30 kandidata sa evidencije Zavoda za zapošljavanje za zanimanja: CNC operater, metalobrusač i obrađivač metala rezanjem,
- zapošljavanje 30 kandidata koji su uspješno prošli programe obuke u kompanije: Pobjeda, Enker i Mann+Hummel Ba Tešanj.

4. Prijava na javni poziv Federalnog ministarstva razvoja, poduzetništva i obrta

Agencija je na javni poziv Federalnog ministarstva razvoja, poduzetništva i obrta izradila projektnu aplikaciju za poticaj projektima koje finansira EU i drugi strani donatori. Aplikacija je popunjena na osnovu odobrenog projekta „Centar za neformalno obrazovanje“ kojeg je podržala FIRMA projekt (USAID i SIDA) kao stranog donatora a iznos aplikacije je 30.000 KM. Projekat nažalost nije odobren od strane ministarstva bez dodatnih objašnjenja.

5. Partnerstvo u izradi projektne aplikacije na IPA poziv prekogranične saradnje sa Republikom Hrvatskom (Joint to the DP)

U partnerstvu sa Razvojnoum agencijom Karla iz Karlovca, Agencija za razvoj je pristupila formiranju konzorcija na izradi i apliciranju projektnog prijedloga na javni poziv EU programa prekogranične saradnje (IPA CBC CRO-BiH). U projektnom prijedlogu učešće je uzelo 12 partnera iz Hrvatske i BiH. Programsko prioritetno područje u koje spada projekt odnosi se na stvaranje zajedničkog gospodarskog prostora kroz promocija poduzetništva (Prioritet 1, Mjera 1.2 javnog poziva). U tom kontekstu definiran je i opći cilj projekta koji je usmjeren na stvaranje prekograničnih mreža i partnerstava te razvoj zajedničkih prekograničnih aktivnosti s ciljem revitalizacije poduzetništva, zaštite prirode i okoline te jačanja socijalne kohezije u programskom području. U prvoj polovini 2014. godine se očekuju rezultati o prolaznosti projektne aplikacije. Budžet projekta je **201.450 Eura**.

6. Partnerstvo u izradi projektne aplikacije na IPA poziv prekogranične saradnje sa Republikom Hrvatskom (Back2History – Bridge Empires' Borders for Common Future)

Agencija za razvoj općine Tešanj je u saradnji sa Sisačko-moslovačkom županijom pristupila izradi projektnog prijedloga na temu kreiranja zajedničke turističke ponude u prekograničnom području kroz valorizaciju kulturno-historijskog nasljeđa kao strateških turističkih resursa lokalnih zajednica uključenih u navedeni projekat. Prema navedenom području su definisani i ciljevi projekta koji se odnose na doprinošenju ekonomskom razvoju i boljem standardu života za populaciju u pograničnom području te ojačati prekograničnu saradnju kroz kreiranje zajedničkog turističkog proizvoda i promociju historijskog nasljeđa kao potencijala za održiv razvoj.

Specifični cilj je da se stvori zajednički kulturno turistički proizvod pod nazivom "preko granična imperija " kao nova turistička ruta i razvoj integrisane ponude i potražnje. U prvoj polovini 2014 se očekuju rezultati o prolaznosti projektne aplikacije . Budžet projekta je **447.974,30 EUR**.

7. Partnerstvo u izradi projektne aplikacije na IPA poziv prekogranične saradnje sa Republikom Hrvatskom (Prevent, re-use, recycle)

Agencija za razvoj općine Tešanj je u saradnji sa gradom Sisak, razvojna agencija sisačko-moslovačke županije „SI-MO-RA“ i Sisak projekti, koji su ujedno i partneri na projektu, pristupila izradi projektne aplikacije koja se odnosi na upravljanje otpadom. Agencija je zajedno sa RAD-om odredila potrebe za poboljšanje upravljanje otpadom kroz implementaciju zajedničke kampanje informisanja javnosti te

nabavu određene opreme (mašina za presanje, konteneri za selektivno odlaganje otpada) i uređenje prostora za deponovanje selektivnog otpada i instalaciju mašine za presanje (asfaltiranje platoa i izgradnja nastrešice). U prvoj polovini 2014 godine se očekuju rezultati o prolaznosti projektne aplikacije. Budžet projekta je **458.009,70 EUR**.

8. Projekat BOSS FOOD (Bosnia-Slavonia Slow Food)

Agencija za razvoj općine Tešanj zajedno u partnerstvu sa REZ-om je izradila projektni prijedlog za poziv IPA CRO BiH. Cilj projekta je da se unaprijedi konkurentnost ekonomskog turizma zajednice, valorizacija i promocija tipični (tradicionalni) poljoprivrednih proizvoda. Pored navedenog cilja projekat će se baviti jačanjem i stvaranjem proizvođača za zaštitu tradicionalnih proizvoda. Verifikacija pravila proizvodnje od strane Nacionalne agencije za bezbjednost hrane, sertifikovanje, razvoj zajedničke strategije za promociju i marketing, registracija autohtonih proizvoda kod SLOW FOOD međunarodne organizacije za zaštitu porijekla tradicionalnog poljoprivrednog proizvoda su samo neke od aktivnosti koje se planiraju provesti kroz projekat. Općina Tešanj će da kandiduje pekmez kao autohtoni proizvod kod SLOW FOOD-a. Vrijednost projekta je 274.724,15 EUR.

9. Izrada projektne aplikacije (COBEAR) za poziv Delegacije Europske unije u BiH

U okviru javnog poziva Delegacije Europske unije u BiH Agencija za razvoj općine Tešanj je u partnerstvu sa Općinom Teslić, Razvojnou agencijom Žepče i Udruženjem privrednika Tešanj-Jelah izradila projektnu aplikaciju iz oblasti lokalnog ekonomskog razvoja. Projektna aplikacija je uključivala aktivnosti za unapređenje povoljnog poslovnog ambijenta i jačanje konkurentnosti mikro, malih i srednjih preduzeća na području općina Tešanj, Teslić i Žepče. TRA, Agencija za razvoj je bila vodeći partner i aplikant a cjelokupni budžet projekta je iznosio **563.426 Eura**. U decembru 2013. godine stigao je dopis od Delegacije EU u BiH da je projektni prijedlog ocijenjen visoko i svrstan u uži krug od 14 projektnih prijedloga ali da nije dobio dovoljan broj bodova za prolaz. Projekat se trenutno nalazi na prvom mjestu rezervne liste i da do kraja juna 2014. godine u slučaju eventualnih promjena može biti odobren.

10. Projektni prijedlog za „Studija izvodljivosti toplifikacije urbanih područja općine Tešanj putem centralnog daljinskog sistema grijanja“

Na temelju komunikacije sa predstavništvom češke firme MEVOS u BiH, predstavnici TRA su pripremili projektni prijedlog za izradu „Studije izvodljivosti toplifikacije urbanih područja općine Tešanj putem centralnog daljinskog sistema grijanja“. Vrijednost projektnog prijedloga je 1.750.000,00 CZK (cca. 70.000 EUR), kojim se od donatora traži 1.500.000,00 CZK (cca. 60.000 EUR), dok ostatak sredstava bi predstavljalo finansijsko učešće općine Tešanj. Dalje aktivnosti na navedenom projektu vodili su predstavnici JP Toplana (predsjednik NO i direktor preduzeća).

11. Izrađen poslovni plan Tešanjskog sajma privrede 2014. (TBF Tešanj Business Fair 2014)

U saradnji sa konsultantom g.Novak-om kojeg je angažovao GIZ, TRA je vodila proces izrade Poslovnog plana za 10.Tešanjski sajam privrede koji bi održao 2014. godine. U proces izrade navedenog dokumenta osim predstavnika TRA bili su uključeni predstavnici udruženja privrednika Biznis centar Jelah-Tešanj i općine Tešanj. Navedeni dokument je prezentovan općinskom načelniku i članovima UO Udruženja privrednika, nakon čega je usvojen kao okvir za dalje aktivnosti.

A1) INFRASTRUKTURNI PROJEKTI IZ PODRUČJA ZAŠTITE OKOLIŠA

12. Projekat „Prikupljanje, odvodnja i prečišćavanje otpadnih voda na području općine Tešanj“

Općina Tešanj je jedna od općina uključena u projekat „WATSAN FBiH“ koji putem kreditnih sredstava Europske Investicione Banke podržava jedinice lokalne samouprave na realizaciji projekata iz područja vodosnabdjevanja i zbrinjavanja otpadnih voda u FBiH/BiH. Doc.dr. Ismar Alagić je tokom 2013. godine, kao vođa općinskog tima za implementaciju projekta koordinirao sve aktivnosti na izradi studijsko-projektne dokumentacije, revizije dokumentacije, pribavljanja pripadajućih akata i dozvola, pripreme projektnog prijedloga za EIB, sve do čina potpisivanja Ugovora o kreditnom zaduženju općine Tešanj sa EIB-om. Vrijednost investicije općine Tešanj na predmetnom projektu se procjenjuje na 23 miliona KM u narednom srednjoročnom periodu.

13. Projekat „Projektna dokumentacija iznalaženja dodatnih količina pitke vode“

Predstavnik TRA, Doc.dr. Ismar Alagić bio je odgovorna osoba i nosilac aktivnosti na pripremi i reviziji studijsko-projektne dokumentacije za iznalaženje dodatnih količina pitke vode. On je u saradnji sa predstavnicima JP RAD vodio pripreme aktivnosti na projektu i bio kontakt osoba u realizaciji predmetnog projekta.

14. Projekat „Upravljanje krutim otpadom općina sjeverno-sjeveroistočnog dijela BiH

Počev od 2011. godine LAG „Doboj-Maglaj“ vodi aktivnosti na projektu „Upravljanje krutim otpadom na prostoru općina sjeverne BiH“, među kojima se nalazi i općina Tešanj. Navedeni projekat podržava Češka razvojna agencija, a u protekle 3 godine je veoma malo urađeno, tako da se pojavila inicijativa italijanskog konzorcija AMIA iz Verone za realizacijom sličnog projekta. Predstavnici 7 općina iz sjeverne BiH, među kojima je općinu Tešanj predstavljao predstavnik TRA su posjetili sjedište konzorcija AMIA gdje je razgovarano o učešće zainteresovanih općina u predmetnom projektu. Nakon toga organizovan je niz sastanaka sa ciljem prikupljanja potrebnih informacija za pripremu Analitičke podloge za dalju razradu projektnog prijedloga. TRA Agencija je bila kontakt tačka u komunikaciji sa italijanskim partnerom sa jedne strane i predstavnicima općine Tešanj i JP RAD Tešanj sa druge strane. Prikupljene su tražene informacije relevantne za projekat putem kreiranog anketnog upitnika. Opređjeljenje TRA je da se u rješavanju jednog od gorućih problema općine Tešanj sistemsko prikupljanje, selekcija i deponovanje krutog otpada, svi partneri stave u jednakopravan položaj na principa „fer“ tretmana, koji bi trebao obezbijediti stvaranje pretpostavki za unapređenje postojećeg stanja u predmetnoj oblasti.

B) PROMOCIJA I PREDSTAVLJANJE

15. Sajam privrede Tešanj 2013.

U okviru manifestacije Sajam privrede Tešanj 2013, Agencija za razvoj je kao i prethodnih godina bila suorganizator i donator ovog događaja. Agencija je u saradnji sa Udruženjem privrednika i Općinom Tešanj uredila zajednički štand na kojem su se prezentovale ove tri institucije i na kojem su predstavljeni potencijali općine Tešanj. U cilju bolje prezentacije Agencije izrađena je multimedijalna prezentacija koja se prikazivala na TV plazmi a podijeljeni su i drugi promotivni materijali. Uposlenici

Agencije su cijelo vrijeme bili prisutni na štandu i dočekivali zvanice među kojima je bio do sada najveći broj ambasadora stranih zemalja u BiH.

16. Međunarodni sajam gospodarstva Mostar 2013.

U okviru Međunarodnog sajma privrede u Mostaru 2013. uposlenici Agencije za razvoj i općine Tešanj su na konferencija na temu „eGovernment – modernizacija javne uprave na lokalnom i regionalnom nivou“ održali prezentaciju o Općini Tešanj kao primjeru dobre prakse u sektoru poduzetništva i elektronskoj upravi. Općina Tešanj je uz općinu Inđija iz Srbije i Splitsko-Dalmatinsku županiju iz Hrvatske pozvana da prezentuje stepen razvoja i primjene informacionih rješenja u menadžment sistemu općine Tešanj. U prvom dijelu prezentacije uposlenik Agencije za razvoj Mr. Muhamed Džihić predstavio je općinu Tešanj u kontekstu razvoja poduzetništva, privlačenja investicija, implementacije projekata putem javnog privatnog partnerstva, te uspješno realizovanih općinskih obveznica. U drugom dijelu prezentacije Viši stručni saradnik za administriranje sistema, Edin Jašarević dipl.ing. IT je prezentovao primjenu informaciono-tehnoloških rješenja u funkcioniranju elektronske uprave po čemu je općina Tešanj postala prepoznatljiva u cijeloj BiH. Na ovaj način se doprinijelo promociji Općine Tešanj kao mjesta sa povoljnim poslovnim okruženjem, uspješnim poduzetničkim primjerima i dobrom i efikasnom upravom.

17. Drugi sajam općina i gradova jugoistočne Europe, NEXPO 2013. , septembar 2013., Rijeka/Opatija, Republika Hrvatska

U saradnji sa GIZ-om organizovan je nastup općina Teslić-Tešanj-Žepče iz BEAR mikroregije „područja poslovne izvrsnosti“. Učešće na sajmu je uzelo više od 80 izlagača iz 11 država, među kojima su bili općinski načelnici iz navedene tri općine. Nastup općina iz BEAR mikroregije je ocijenjen visokim ocjenjama, a Doc.dr.Ismar Alagić je primio plaketu za nastup općine Tešanj i TRA Agencije za razvoj općine Tešanj na sajmu NEXPO 2013.

Predstavnici BEAR mikroregije su se predstavili putem originalnog promotivnog materijala, stilizovanog standa i uz prezentovanje domaćih proizvoda sa prostora općine Tešanj iz asortimana AS grupacije.

18. GIZ konferencija „Izgradnja mostova u transformisanju javne uprave u državama Istočne Europe i Centralne Azije“, novembar 2013, Berlin, Njemačka

Na poziv GIZ-a (Njemačko društvo za tehničku pomoć i međunarodnu saradnju), Doc.dr.Ismar Alagić je kao jedan od četiri predstavnika iz BiH, učestvovao u radu konferencije „Izgradnja mostova u transformisanju javne uprave u državama Istočne Europe i Centralne Azije“, organizovane za predstavnike 12 država uključenih u projektne aktivnosti GIZ-a na prostoru Istočne Europe i Centralne Azije. Doc.dr.Ismar Alagić je prezentovao iskustva u saradnji sa GIZ-om i aktivnosti koje provodi TRA u saradnji sa GIZ-om u područjima: promocija ekonomskih potencijala, javno-privatni dijalog i stvaranje lanaca vrijednosti.

B1) KOMUNIKACIJA I KONTAKTI

Predstavnici TRA Agencije za razvoj općine Tešanj su tokom 2013. godine ostvarili intenzivnu komunikaciju sa predstavnicima Amabsada Japana, Austrije, Češke i Makedonije, kao i međunarodnih organizacija za razvoj, kao što su: GIZ, USAID, Češka razvojna agencija.

19. Kandidura BEAR mikroregije kao europske regije budućnosti

Na izbor odabira 10 vodećih europskih područja za investiranje u organizaciji fDi magazina kao oficijelnog glasila Financial Times, TRA Agencija je izvršila prijavu BEAR mikroregije. Tokom 2014. godine dobijena je obavijest o uvrštavanju BEAR mikroregije među vodeće europske destinacije za investiranje kao europske regije budućnosti za 2014/15. godina.

C) STRATEŠKA PLATFORMA I ANALIZE

20. Analitička podloga - Analiza položaja žene u ruralnim područjima na prostoru općine Tešanj i Akcioni plan djelovanja za period 2014-2016. godina

Udruženje VESTA iz Tuzle sa partnerskim općinama Tešanj i Gračanica realizovalo je projekat „Unapređenje položaja žene na selu na lokalnom nivou u FBiH“, finansiran od strane UN-ove Agencije za ravnopravnost spolova i osnaživanje žena i Austrijske razvojne agencije (ADA). Potrebno je istaknuti da je ovo pilot projekat i da su navedene dvije općine prve u FBiH koje su na sistematičan i institucionalan način uredile predmetno područje djelovanja.

Cilj unapređenja položaja žene na selu na prostoru općine Tešanj je kreiranje pretpostavki za stratešku podršku unapređenju položaja žene sa sela putem slijedećih ključnih aktivnosti:

- mapiranje relevantnih aktera ruralnog razvoja i priprema Analitičke podloge sa analizom položaja i uloge žene sa sela, i
- uspostavljanje i jačanje kapaciteta Savjetodavne grupe projekta i kreiranje Akcionog plana Općine za jačanje socio-ekonomskog položaja žene sa sela.

Analitička podloga i Akcioni plan nastao u okviru projekta su rezultat zajedničkog rada predstavnika Općine Tešanj i Udruženja VESTA i predstavljaju relevantan institucionalni okvir, kao smjernica budućeg djelovanja u pravcu kreiranja boljeg i pravednijeg socio-ekonomskog statusa i položaja žene sa sela.

Projekat u fokus stavlja činjenicu da je žena ključni akter od koga zavisi opstanak, oživljavanje sela i ruralni razvoj u cjelini, zbog čega u politikama i programima afirmacije značaja sela i kvaliteta života na selu žena treba zauzeti centralno mjesto.

Važno je naglasiti kako postoje brojni zakoni, konvencije i povelje koji tretiraju ovu problematiku, a posebno član 14. UN CEDAW Konvencije o ukidanju svih oblika diskriminacije žena, koji se odnosi upravo na unapređenje položaja žene na selu. Bosna i Hercegovina je potpisnica UN CEDAW Konvencije, čime je preuzela obavezu da radi na unapređenju socio-ekonomske situacije žena na selu, njihovog pristupa resursima, tržištu i informacijama, te pristupa osnovnoj infrastrukturi i javnim uslugama.

Cjelokupni proces izrade navedenih dokumenata i provođenja projektnih aktivnosti je vodila Savjetodavna grupa općine Tešanj sastavljena od predstavnika javnog, privatnog i civilnog sektora na čelu sa vođom Savjetodavne grupe Doc.dr.Ismar Alagić-em. Navedeni dokumenti su dobili pozitivne ocjene i priznanje od strane organizacija UNWOMEN i ADA, dok je GIZ (Njemačko društvo za tehničku pomoć i međunarodnu saradnju) iskazao interes za provedene aktivnosti na području općine

Tešanj. Akcioni plan predstavlja operativni dokument djelovanja općine Tešanj u predmetnom području za period 2014-2016.godina.

Rezultati na izradi navedenog dokumenta su prezentovani na konferencijama održanim u Tešnju, Tuzli i Sarajevu.

21. Analiza potencijala malih i srednjih preduzeća u četiri vodeća privredna sektora općine (metaloprerađivačka i autodijelovi, prerada tekstila i kože, drvoprerađivačka i proizvodnja namještaja, prerada hrane i proizvodnja napitaka/mineralne vode)

Općina Tešanj uz podršku Agencije za razvoj je pokrenula pripremne aktivnosti za započinjanje procesa sticanja međunarodnog certifikata pod nazivom BFC (Business Friendly Environment) koji se dodjeljuje općinama sa povoljnim poslovnim okruženjem. Kao dio pripremnih radnji za sticanje BFC certifikata a i za potrebe izrade projekta COBEAR Agencija za razvoj je dizajnirala anketni upitnik, izvršila anketiranje preko 30 privrednih subjekata iz najznačajnijih sektora i uradila analizu koja je uključila prikupljanje podataka o profilu firmi, međunarodnom poslovanju, interesu firmi za poslovnim zonama, zadovoljstvu firmi komunalnim i uslugama općinske administracije, saradnji privatnog sektora sa javnim i potrebama u sektoru radne snage. Anketiranje i uvid u stanje privrednih subjekata na području Općine Tešanj potreban je za uvid u potrebe poslovnog sektora kako bi se na bolji način koordinirale aktivnosti za unapređenje poslovnog sektora.

22. Lanac vrijednosti u poljoprivrednoj proizvodnji

Agencija za razvoj je zajedno sa općinama Teslić i Žepče je u cilju uključivanja u projekat „Lanac vrijednosti u poljoprivrednoj proizvodnji“ uradila analizu lanca vrijednosti u sektoru voćarstva i jagodičastog voća na području Općine Tešanj. Projekat implementuje GIZ-Njemačka agencija za tehničku pomoć i međunarodnu saradnju u saradnji sa švicarskim Caritasom sa ciljem unapređenja sektora poljoprivredne proizvodnje u BiH. Pored izrađene analize Agencija je organizovala sastanak na kojem su voćari i proizvođači jagodičastog voća iz Tešnja sa konsultantima angažovanim od donatora na ovom projektu identifikovali probleme sa kojima se susreću proizvođači u ovom sektoru kao i potrebe za unapređenje i uključivanje većeg broja ljudi u ruralnim sredinama da se bave voćarstvom i uzgojem jagodičastog voća. U narednom periodu konsultanti će uraditi svoju analizu i preporuke na osnovu kojeg će implementator projekta (GIZ) odlučiti o uključivanju općine Tešanj u ovaj projekat.

23. Investicioni sažetak i baza domaćih i stranih ulaganja na području Općine Tešanj

Općina Tešanj je jedna od četiri općine koje su uključene u Program postinvesticione podrške investitorima koji je pokrenula Agencija za promociju inostranih investicija u BiH (FIPA) u saradnji sa Međunarodnom finansijskom korporacijom (IFC), članicom Grupacije Svjetske banke. Program postinvesticione podrške investitorima predstavlja prvi sveobuhvatni program s ciljem motivacije postojećih investitora u BiH iz strateški izabраниh sektora na reinvestiranje i unapređenje odnosa s lokalnom upravom. Agencija za razvoj je ispred Općine Tešanj u okviru ovog programa uz pomoć konsultanata izradila investicioni sažetak i bazu podataka o domaćim i stranim ulaganjima u općini Tešanj koju redovno ažurira. Investicioni sažetak sadrži reprezentativne podatke o potencijalima i

konkurentskim prednostima Općine Tešanj a koji će se koristiti u elektronskim i printanim medijima u promotivne svrhe i za privlačenje novih investicija.

24. Promotivni materijal za BEAR mikroregiju „područje poslovne izvrsnosti“

Na temelju aktivnosti na promociji lokacijskih prednosti i privlačenju investitora u BEAR mikroregiju tokom 2013. godine izrađeni su i oštampani promotivni letak (1.000 kom), dvojezičan katalog za investitore (1.000 kom engleski jezik i 1.000 kom BHS) i izrađen i aktiviran trojezični web portal za investitore www.bear.ba (BHS, engleski i njemački jezik).

D) EDUKACIJA I USAVRŠAVANJE

25. Obuka za IPARD program EU za podršku sektoru primarne poljoprivredne proizvodnje i ruralnog razvoja

Uposlenici Agencije za razvoj završili su program obuke iz IPARD programa EU koji je u okviru IPA komponente namijenjen za primarnu poljoprivrednu proizvodnju i ruralni razvoj. Program obuke je održan u 4 jednodnevna ciklusa u kojem su pored uposlenika TRA-Agencije za razvoj učestovali i predstavnici općine Teslić, RAŽ- Agencije za razvoj Žepče, Udruge poduzetnika Žepče i predstavnici privatnog sektora iz Tešnja. Učesnici su uz obuku i vježbe na praktičnim primjerima stekli znanje o IPARD programu i načinu kako pripremiti projektni obrazac i investicionu studiju za apliciranje. Obuka je organizovana uz podršku GIZ-a Njemačke agencije za tehničku pomoć i međunarodnu saradnju uz angažovanje iskusnih konsultanata g. Bacingera i g. Mavreka iz konsultantnih agencija Kaja Consulting i Bercon iz Republike Hrvatske. Nakon završene obuke učesnici su dobili certifikat o uspješno završenoj obuci.

Tokom početka novembra 2013. godine, u organizaciji GIZ-a organizovana je studijska posjeta primjerima dobre prakse u korištenju IPARD sredstava na prostoru Međimurske županije u Republici Hrvatskoj. Predstavnik TRA Agencije je bio jedan od učesnika navedene dvodnevne studijske posjete institucijama i organizacijama u Republici Hrvatskoj.

26. GIZ-ova obuka za osoblje razvojnih agencija

GIZ-ov (Njemačko društvo za tehničku pomoć i međunarodnu saradnju) program Prolocal (program lokalne samouprave i ekonomskog razvoja u BiH) je organizovao dvodnevnu radionicu za osoblje razvojnih agencija tri općine (Tešanj, Teslić i Žepče) sa ciljem programiranja aktivnosti na polju međusobne projektne saradnje za 2014 godinu. Pored navedenog radilo se na planiranju rada agencija u narednom periodu te određivanju prioriteta agencija i fokusiranje aktivnosti u svrhu što bolje pripreme plana rada agencija te realizacije istih, razumjevanje stvarne funkcije razvojne agencije te organizacija unutar agencije kako bi se osiguralo postizanje funkcije agencije.

27. Trening za razvojne agencije iz BEAR mikro regije

U organizaciji GIZ-ovog (Njemačko društvo za tehničku pomoć i međunarodnu saradnju) programa Prolocal (Program lokalne samouprave i ekonomskog razvoja u BiH) održan je trening za osoblje

razvojnih agencija TRA, RAŽ i odjela za razvoj opštine Teslić. Predavač na seminaru koji je održan u prostorijama hotela Park u Doboju je bio Dr.Sean Cunningham iz jedne od vodećih europskih konsultantskih firmi za razvoj biznisa u Europi, Mesopartner iz Berlina, Njemačka. Teme koje su obrađene na seminaru su:

-stvaranje povoljnog lokalnog poslovnog okruženja (poboljšanje općih ulova poslovanja za privatni sektor i prevazilaženje propusta nad kojima odgovornost ima javni sektor);

-razumijevanje stvarnih potreba i podrška privatnom sektoru (uvođenje posebnih intervencija u cilju prevazilaženja propusta na tržištu i specifičnih ciljnih grupa koje u njemu učestvuju).

Ovaj seminar je priprema za aktivnosti programiranja rada agencija u narednom srednjeročnom periodu i definisanje dalje saradnje sa GIZ-om.

28. Prva GIZ Akademija za lokalni ekonomski razvoj, septembar 2013. godine, Dugopolje, Republika Hrvatska

Predstavnici GIZ-a su za predstavnike institucija na višim nivoima vlasti i općinskih razvojnih agencija i udruženja privrednika u partnerskim općinama organizovali prvu klasu Akademije za lokalni ekonomski razvoj. Predavači na obuci su bili predavači iz eminentne konsultantske kuće „Mezopartner“ iz Berlina i EDA, Banja Luka. Doc.dr.Ismar Alagić je uz predstavnike rukovodstva udruženja privrednika „Biznis-centar“ Jelah-Tešanj uspješno završio navedeni ciklus obuke i dobio uvjerenje o pohađanju uz sticanje potrebnih znanja i vještina za lokalni ekonomski razvoj.

29. Pripremne aktivnosti na BFC

Certifikacija jedinica lokalne samouprave prema shemi „povoljnog poslovnog okruženja“ promovise se putem GIZ ORF regionalnog projekta. Predstavnici TRA su radili na koordinaciji aktivnosti pripreme općine Tešanj kroz dvije kontrolne provjere (2011 i 2013.), pripremi sistemske dokumentacije za BFC i organizaciji prezentacije BFC za vršno rukovodstvo općine Tešanj.

Tešanj, februar 2014. godine

Izveštaj izradio:

Doc.dr.Ismar Alagić dipl.inž.maš.

Direktor TRA Agencije za razvoj općine Tešanj